

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ
ՁԵՐԲԱԿԱԼՎԱԾ ԱՆՁԱՆՑ ՊԱՇՏՊԱՆՈՒԹՅԱՆ ՎԵՐԱՀՄԿՈՂՈՒԹՅՈՒՆ
ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՂԱԿԱՆ ԽՈՒՄԲ**

№ 2621/1352

22.07.2013թվ.

**ՀՀ ոստիկանության պետ,
զեներալ-լեյտենանտ
պարոն՝ Վ. Գասպարյանին**

Հարգելի պարոն Գասպարյան,

Մույն թվականի հուլիսի 17-ին Դիտորդական խումբը այցելություն կատարելով ՀՀ ոստիկանության Կոտայքի ՄՎ Հրազդանի ՁՊՎ, ուսումնասիրությունների արդյունքում արձանագրել է մի շարք թերություններ և խախտումներ:

Թերություններ՝

1. ՁՊՎ-ի մի քանի խցերի ներսում բնական լուսավորությունը շատ վատ էր:
2. Արդեն մի քանի անգամ է, ինչ Դիտորդական խումբը արձանագրում է, որ սպիտակեղենը, սրբիչների հետ միասին գտնվում են պոլիէթիլենային թաղանթի մեջ և փաթեթավորված են կաշուն ժապավենով, որը ընդհանրապես չի բացվել և Դիտորդական խումբը միանշանակապես պնդում է, որ Հրազդանի ՁՊՎ-ում սպիտակեղենը ընդհանրապես չի օգտագործվում և ՁՊՎ ընդունված յուրաքանչյուր անձի սպիտակեղեն չի տրամադրվում:

Խախտումներ՝

1. Գուրգեն Սերգեյի Քոչարյանը «Ձվարթնոց» օդանավակայանից բերման է ենթարկվել Հրազդանի ոստիկանության բաժին 10.04.2013թ-ին ժամը 08⁰⁰-ին: Սակայն բերման ենթարկելու արձանագրությունը կազմվել է Հրազդանի բաժնում, որտեղ ընդհանրապես ֆիքսված չէ նրան արգելանքի վերցնելու պահը: Տվյալ դեպքում նշված անձը որոշ ժամանակահատված գտնվել է արգելանքի մեջ և այդ ժամանակահատվածը ոչ մի տեղ չի արձանագրվել: Ըստ «ՁՊՎ-ում պահվող անձանց հաշվառման» գրանցամատյանի Գ.

Քոչարյանը ՁՊՎ է ընդունվել նույն օրը, ժամը 08⁰⁰-ին, նույն ժամանակահատվածում, երբ բերման է ենթարկվել ոստիկանության Հրազդանի բաժին և ժամը 08¹⁰-ին ՁՊՎ-ում ենթարկվել է խուզարկության: Գ. Քոչարյանի նկատմամբ կատարված գործողություններում ամենաուշագրավը այն է, որ նրան ձերբակալել են 10.04.2013թ-ին ժամը 09⁰⁵-ին, այն ժամանակահատվածում, երբ ինքը արդեն իսկ գտնվել է ՁՊՎ-ում: */կից ներկայացվում է փաստը հաստատող լուսանկարներ – 1,2,3,4/*

2. Անդրեյ Արկադևիչ Զյարիցևը ՀՀ ոստիկանության Կոտայքի ՄՎ Հրազդանի բաժին բերման է ենթարկվել 16.06.2013թ-ին ժամը 16⁰⁰-ին: Ամենաուշագրավը այն, որ անձը բերման է ենթարկվել Երևան քաղաքի 10/1 շենքի բակից: Դիտորդական խումբը կարծում է, որ բերման արձանարությունը տվյալ դեպքում ձևական բնույթ է կրում, քանի որ տվյալ հասցե գոյություն չունի: Ավելացնենք, նաև, որ Ա. Զյարիցևը ձերբակալվել է ժամը 18⁰⁰-ին և նույն ժամին ընդունվել է ՁՊՎ, բայց ազատ է արձակվել 14.06.2013թ-ին ժամը 19⁰⁰-ին, այն դեպքում, երբ նա արդեն իսկ պետք է ազատված լիներ ժամը 16⁰⁰-ին: Արդյունքում Ա. Զյարիցևը արգելանքի տակ պահվել է 75 ժամ: */կից ներկայացվում է փաստը հաստատող լուսանկարներ – 5,6,7/*

3. Գագիկ Հայկի Մինասյանը ձերբակալվել է 15.06.2013թ-ին ժամը 16⁰⁵-ին և նույն ժամին ՁՊՎ է ընդունվել, բայց ազատ է արձակվել 18.06.2013թ-ին ժամը 17¹¹-ին: Քննիչի որոշման գրավը վճարելու և անդորրագիրը ներկայացնելու հիման վրա: Նշված գործողությունների խնդիրը կայանում է նրանում, որ տվյալ անձը ազատ է արձակվել նույն այն ժամին՝ 18.06.2013թ-ին ժամը 17¹¹-ին, երբ վճարվել է գրավը «Կոնվերս» բանկի Հրազդանի մասնաճյուղում: */կից ներկայացվում է փաստը հաստատող լուսանկարներ – 7,8,10,11/*


4. Մերգեյ Հարությունի Թանյանը «Զվարթնոց» օդանավակայանից որպես հետախուզվող Հրազդանի ոստիկանության բաժին բերման է ենթարկվել 21.06.2013թ-ին ժամը 04⁰⁰-ին և ոչ մի տեղ չի նշվել, թե անձը «Զվարթնոց» օդանավակայանում երբ է արգելանքի վերցվել: Նույն օրը, ժամը 04⁰⁰-ին Կոտայքի մարզի քննչական բաժնի ՀԿԳ ավագ քննիչ Կ. Գրիգորյանի կողմից կայացվել է որոշում՝ կալանավորված անձին ոստիկանության Հրազդանի բաժնի ՁՊՎ-ում տեղավորելու մասին:

Հարկ ենք համարում նշել, որ հետախուզվող մեղադրյալին ՁՊՎ ընունելու հիմք է հանդիսանում ոչ թե տվյալ ձևի որոշումը, այլ՝ ձերբակալման արձանագրությունը, որը կանոնակարգվում է ՀՀ քր. դատ. օր-ի 259 հոդվածի 3-րդ կետով և ՀՀ Վճռաբեկ դատարանի 26.12.2008թ-ի ԼԴ/01/0197/06/08 նախադեպային որոշումով: */կից ներկայացվում է փաստը հաստատող լուսանկարներ – 12,13,7/*

Այսպիսով խնդրում ենք ուսումնասիրել ներկայացված փաստերը և հանապատասխան միջոցներ ձեռնարկել իրավախախտումները բացառելու ուղղությամբ:

Հարգանքներով՝

ՀՀ ոստիկանության համակարգի ձեռքակալված
անձանց պահելու վայրերում վերահսկողություն
իրականացնող հասարակական Դիտորդական
խմբի նախագահ՝



Հ. Սահակյան



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ԸՏԱԲ

375025, ք. Երեւան, Նալբանդյան 130 հեռ. 59-65-94

N- 2/2-1-2361

«21» 08 2013թ.

Ձեր 22.07.2013թ. թիվ 2621/1352 գր.

«Ոստիկանության համակարգի ձերբակալված անձանց պահելու վայրերում հասարակական դիտորդների խմբի նախագահ Հասմիկ Սահակյանին»

Հարգելի տիկին Սահակյան

Հայտնվում է, որ դիտորդների խմբի կողմից ս/թ հուլիսի 17-ին «Ոստիկանության Կոտայքի մարզային վարչության Հրազդանի բաժնի ձերբակալվածներին պահելու վայր կատարած այցելության ընթացքում արձանագրված թերություններն ու խախտումները ուսումնասիրվել են «Ոստիկանության շտաբում, քննչական գլխավոր և Կոտայքի մարզային վարչություններում, որոնց կապակցությամբ տրվում են ներքոշարադրյալ մեկնաբանությունները:

1. Ոստիկանության Հրազդանի բաժնի ՁՊՎ-ի թիվ 5 խցերից երկուսի՝ 1-ին և 2-րդ խցերի բնական լուսավորության լիարժեք թափանցմանը խանգարում է վարչական շենքի շինարարական նախագծով կառուցված զբոսաբակի պատը, որը վերակառուցել կամ ձևափոխել հնարավոր չէ:

2. Ինչ վերաբերվում է ՁՊՎ-ի սպիտակեղենի և սրբիչների՝ պոլիէթիլենային թաղանթի մեջ կաշուն ժապավենով փաթեթավորած լինելուն, որը դիտորդների մոտ ստեղծել է տպավորություն, որ ՁՊՎ ընդունված անձանց սպիտակեղեն չի տրամադրվում, ապա դրանք փաթեթավորված են եղել մաքուր մնալու նպատակով, իսկ ՁՊՎ-ում առկա է բավարար քանակությամբ սպիտակեղեն և ՁՊՎ ընդունված անձանց տրամադրվում է մաքուր սպիտակեղեն ու սրբիչ:

Գրության մեջ նշված խախտումների վերաբերյալ կատարված ուսումնասիրությունների արդյունքում պարզվել է, որ.

1. «Քր. օր. 327 հոդվածի 1-ին մասով հետախուզվող Գ.Քոչարյանը «Չվարթնոց» օ/կ-ում հայտնաբերվել է 11.04.2013թ. ժ.07.05-ին և նույն օրը ժ.08.00-ին բերման է ենթարկվել ոստիկանության Հրազդանի բաժնի: Գ.Քոչարյանին բերման ենթարկելու և ձերբակալելու մասին արձանագրությունները կազմել է Հրազդանի բաժնի ՔՀԲ օպերլիազոր, ոստիկանության լեյտենանտ Ա.Առաքելյանը, որը ձերբակալման արձանագրությունում սխալմամբ ժ.08.05 գրելու փոխարեն նշել է ժ.09.05, որի համար ոստիկանության Կոտայքի մարզային վարչության ղեկավարության կողմից խիստ նախագուշացվել է:

2. Ոստիկանության Հրազդանի բաժնի բերման ենթարկված Անդրեյ Զյարլիցկին բերման ենթարկելու մասին կազմված արձանագրության մեջ նշված բերման ենթարկելու հասցեն՝

(ք.Երևան 10/1) իրականում Երևան քաղաքի Անդրանիկի փողոցի թիվ 10/1 հասցեն է, որը հստակ երևում է նրա հետ միասին նույն հասցեից բերման ենթարկվածներ Նատայա Քրմոյանի և Անահիտ Թարվերդյանի բերման ենթարկելու վերաբերյալ կազմված արձանագրությունների ուսումնասիրմամբ: Ուստի, Ա.Չյաբլիցկին բերման ենթարկելու մասին կազմված արձանագրությունը ոչ թե կրում է ձևական բնույթ, այլ ընդամենը թյուրիմացաբար հասցեն գրվել է ոչ ամբողջական, ճիշտ այնպես, ինչպես Ձեր գրությունում Ա.Չյաբլիցկին բաժին բերման ենթարկելու ամսաթիվը գրված է ոչ թե 11.06.2013թ., այլ 16.06.2013թ.: Ինչ վերաբերվում է Ա.Չյաբլիցկին արգելանքի տակ երեք ժամ ավելի պահելուն, ապա հայտնվում է, որ վերջինս ոստիկանության Հրազդանի բաժին բերման է ենթարկվել 11.06.2013թ. ժ.16.00-ին, նույն օրը ժ.18.00-ին ձերբակալվել և ընդունվել է ՁՊՎ: Այնուհետև, 14.06.2013թ. ժ.15.45-ին դուրս է բերվել խցից և կալանավորումը որպես խափանման միջոց ընտրելու միջնորդությունը քննարկելու համար տեղափոխվել Կոտայքի մարզի ընդհանուր իրավասության դատարան: Դատարանի կողմից մերժվել է կալանավորումը որպես խափանման միջոց ընտրելու միջնորդությունը և որոշում է կայացվել Ա.Չյաբլիցկին անհապաղ ազատ արձակել դատարանի դահլիճից: Նշված որոշման հիման վրա ՀՀ ոստիկանության ՔԳՎ Կոտայքի քննչական բաժնի քննիչ Ա.Աբրահամյանը 14.06.2013թ. որոշում է կայացրել Ա.Չյաբլիցկին ազատ արձակել կալանքից: Նույն օրը ժ.19.00-ին ոստիկանության Հրազդանի բաժնի ՁՊՎ է ներկայացվել քննիչի որոշումը և «ՁՊՎ-ում պահվող անձանց հաշվառման» գրանցամատյանի 10-րդ սյունակի (ՁՊՎ-ից ազատելու հիմքը, ամսաթիվը, ժամը) տակ գրառվել է ոչ թե փաստացի ազատելու, այլ որոշումը ՁՊՎ ներկայացնելու ժամը: Այսպիսով, Ա.Չյաբլիցկին արգելանքի տակ պահելու առավելագույն ժամկետը՝ 72 ժամը չի խախտվել:

3. Գ.Մինասյանը 15.06.2013թ. ժ.16.05-ին ձերբակալվել և ՁՊՎ է ընդունվել ՀՀ քր. օր. 112 հոդվածի 1-ին մասով նախատեսված հանցագործություն կատարելու կասկածանքով: 18.06.2013թ. թիվ 49106413 քրեական գործով որոշում է կայացվել և Գ.Մինասյանին մեղադրանք է առաջադրվել: Նույն օրը միջնորդություն է ներկայացվել Կոտայքի մարզի ընդհանուր իրավասության դատարան կալանավորումը որպես խափանման միջոց ընտրելու մասին, որը բավարարվել է, որից հետո փոխարինվել է 500.000 դրամի գրավով: Նույն օրը գրավի գումարի մուծման անդորրագիրը ներկայացվել է դատարան, որի հիման վրա այնտեղ գտնվող քննիչը որոշում է կայացրել Գ.Մինասյանին կալանքից ազատելու մասին և որոշման օրինակը տրամադրվել է ոստիկանության ուղեկցող դասակի ծառայողներին, որից հետո Գ.Մինասյանը դատարանի դահլիճից ազատ է արձակվել: Տվյալ դեպքում անհասկանալի է, թե դիտորդների խումբը ինչն է համարում ձերբակալված անձի իրավունքների խախտում:

4. Ս.Թանյանը 21.03.2002թ. ներգրավվել է որպես մեղադրյալ ՀՀ նախկին քր. օր. 75 հոդվածի 1-ին մասով: Նրա նկատմամբ հայտարարվել է հետախուզում և խափանման միջոց ընտրվել կալանավորումը: 16.08.2004թ. որոշում է կայացվել Ս.Թանյանի արարքը վերաորակելու և գործող ՀՀ քր. օր. 327 հոդվածի 1-ին մասին համապատասխանեցնելու վերաբերյալ:

21.06.2013թ. ոստիկանության Հրազդանի բաժնից ստացված գրության համաձայն, թիվ 49201602 քր. գործով հետախուզման մեջ գտնվող Ս.Թանյանը 21.06.2013թ. ժ.04.00-ին «Չվարթնոց» օդանավակայանից բերման է ենթարկվել ոստիկանության Հրազդանի բաժին: Նույն օրը որոշում է կայացվել կասեցված քր. գործի վարույթը վերսկսելու մասին:

Կոտայքի մարզի քննչական բաժնի ՀԿԳ ավագ քննիչ Կ.Գրիգորյանը ղեկավարվելով «Ձերբակալվածներին և կալանավորվածներին պահելու մասին» ՀՀ օրենքի 6-րդ հոդվածի


պահանջներով՝ որոշում է կայացրել մեղադրյալ, գործով կալանավոր Ս.Թանյանին ՁՊՎ-ում տեղավորելու մասին:

21.06.2013թ. Ս.Թանյանը որպես մեղադրյալ հարցաքննվելիս հայտնել է, որ ցանկանում է մուծել <<Սահմանված կարգի խախտմամբ պարտադիր զինվորական ծառայություն չանցած քաղաքացիների մասին>> ՀՀ օրենքի համաձայն չծառայած տարիների համար հանրապետական միջգերատեսչական հանձնաժողովի կողմից սահմանված գումարը: Նույն օրը Ս.Թանյանի հարազատների կողմից ՀՀ ՊՆ դեպոզիտի հաշվին մուծվել է պահանջվող գումարը և 21.06.2013թ. Կոտայքի մարզի դատախազության ավագ դատախազ Պ.Պողոսյանի կողմից որոշում է կայացվել մեղադրյալ Ս.Թանյանի նկատմամբ որպես խափանման միջոց ընտրված կալանավորումը փոփոխելու և նոր խափանման միջոց ընտրելու մասին: Ս.Թանյանի նկատմամբ որպես խափանման միջոց է ընտրվել ստորագրություն չհեռանալու մասին և վերջինս ազատ է արձակվել:

Տվյալ դեպքում Ս.Թանյանին ՁՊՎ ընդունելու հիմք են հանդիսացել վերջինիս նկատմամբ խափանման միջոցը կալանավորում ընտրելու մասին դատարանի և կալանավոր Ս.Թանյանին ՁՊՎ-ում տեղավորելու մասին քննիչի որոշումները, քանի որ կալանավորման վերաբերյալ որոշման առկայության պայմաններում, ձերբակալման արձանագրություն կազմելու անհրաժեշտություն չկա: Բացի այդ, նման արձանագրություն կազմելու դեպքում անհիմն կերպով կփոխվեր Ս.Թանյանի դատավարական կարգավիճակը և կսահմանափակվեին նրա իրավունքները, քանի որ կալանավորված անձի իրավունքներն առավել ծավալուն են քան ձերբակալվածինը:

Ինչ վերաբերվում է ՀՀ Վճռաբեկ դատարանի 26.12.2008թ. ԼԴ/01/0197/06/08 նախադեպային որոշմանը, ապա այդ որոշման 34-րդ կետի համաձայն, <<հետախուզման մեջ գտնվող անձին հայտնաբերելուց հետո նա պետք է անհապաղ (72 ժամվա ընթացքում) տարվի դատավորի մոտ>>: Ս.Թանյանը ՁՊՎ-ից ազատ է արձակվել ոստիկանության բաժին բերման ենթարկվելու նույն օրը՝ խափանման միջոցը ստորագրություն չհեռանալու մասին փոխվելու հիմքով, ուստի տվյալ դեպքում ՀՀ Վճռաբեկ դատարանի վերոհիշյալ որոշման 34-րդ կետի պահանջները չեն խախտվել, քանի որ նա 72 ժամը չլրացած ազատ է արձակվել:

պետ, ոստիկանության գեներալ-մայոր



Վ. Եղիազարյան